



ATASSUT

UPA2015/41-42-1

Siverth K. Heilmann

28.04.2015.

Inatsisartunut ilaasortat ulloq taanna Inatsisartunut qinerneqarnerminniit (ulloq qinersivik) aatsaat akissarsiaqartalernissaat pillugu Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaani nr. 22-mi, 18. december 2003-meersumi (Aningaasarsiat pillugit Inatsit) § 2 imm. 1-p allanngortinnissaanut siunnersuuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Randi Vestergaard Evaldsen, Demokraatit)

Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaani nr. 22-mi, 18. december 2003-meersup (akissarsiaqarnermut Inatsit) imatut allanngortinnissaanut siunnersuuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut:

- 1. Naalakkersuisuni Inatsisartuniluunniit ilaasortaasimasut sivilunerpaamik ilaasortaajunnaarnerisiaqarsinnaatitaanerat apparneqassaaq qaammatini aqqaneq marlunniit qaammatinut arfinilinnut.**
- 2. Inatsisartuni Naalakkersuisuniluunniit ilaasortat ukiup atuuffiusup ataatsip allartinnerani ilaasortaajunnaarneriutisiassaata qaammammik ataatsimik ilaneqartassapput.**
- 3. Ilaasortaajunnaarneriutisiaqarnissap sivilinnerpaaffia maannakkut qaammatinik pingasunik sivilissuseqartoq qaammammut ataatsimut apparneqassaaq.**

(Inatsisartunut ilaasortaq / Medlem af Inatsisartut Randi Vestergaard Evaldsen, Demokraatit)

Inatsisartunut ilaasortaq Randi Vestergaard Evaldsen Demokraatit aalajangiiffigisassatut siunnersuutaanut imatut naatsumik ATASSUT-miit oqaaseqassaagut.

ATASSUT-miit isumaqarpugut, siunnersuuteqartup tunngavilersuuteqarnermini assersuutaa tassalu inatsisartunut qinigaanermiit november-i qaammat naalluinnalersoq, qaammat tamaat ilaasortatut



aningsarsisinnegarsimanini qinikkat akissaasorsorneqartarnerat inatsimmi aallaaveqartoq imminut naapertuutinngitsq.

ATASSUT-miit ilisimavarput, inatsisartut kommuune-nilu ilaasortat aningsarsiaqartitaanerisa ukiorpassuarni allannguuteqartinneqarsimannginnera pissutaatinneqarluni, inatsisartunut qaqqinneqartareerluni kinguartinneqartareerlunilu naleqqussarneqarnikuusoq.

Pisimasut ilaannik assersuuteqalaarlanga. Aningsarsiat qaffanneqarnissaanut illua tungiliuttut ilaat akkerliulluinnarluni oqaluttarfimmiit suaaruteqaqattaanerisa Atassut-ip gruppertarfianut pulaarnerata ilaanni, oqaaseqartartorput oqarmat, akkerliusoqaannarmat Atassut-miit qaffaanissamut naaggaarniaannalersugut, pulaartorput tupaqaluni oqarpoq QANOQ AAMMA. Paasiinnarparput inatsisartut oqaluttarfiat allarluinnarmik isumaqaraluarluni tusaaqusaarfittut atorneqartarnera. ATASSUT-miit ersarissarusuppara, siunnersuuteeqartup partiialuunniit qanga pisimasumik assersuuteqarnera pasilliutiginiangilluinnaratsigu, taamaattorli oqartoqarneratuut ilumut pissusissamisoorneraq, qinikkatut iserneq, qaammallu naallugu akissarsisoqartarnissaa, tamanna pillugu ATASSUT-miit akkerliliilluta tapersiillutaluunniit oqariinngikkaluarluta, isumaqarpugut partiinik tamaginnik sukumiisumik isummersorfigineqartariaqartoq.

Tulliattut siunnersuutigineqarpoq Inatsisartuni Naalakkersuisunilu aningsarsiaqartitaanermi inatsimmi qulequttat pingasut (3) allannguiffigineqarnissaa. ATASSUT-miit isumaqarpugut, oqaaseq ajorpoq sunut tamanut tunngatissagaanni naleqqutinngitsq. Inatsisartunimi sulinerimi aalajangiinerit inatsinilu malitaqarluni tamarmik aalajangersarneqartarmata.

Ilisimaneqartutuut pisortat kattuffiit taakkulu ilaasortarpassuisa akornanni aningsarsianut soraarnerussutisiaqarnissamut allanullu tunngasorpassuit pillugit isumaqatigiinniarnit politikkeriniik akuleruffigineqarneq ajortut ingerlanneqartarput. Politikkeriniilli iluminni isumaqatigiinniartarmata, innuttaasut kattuffinniillumi oqariartuutigineqartartut isorinnissutaasullu paasiuminarsinnaasarpoq, iliuuseqarnissarli aalajangernissarlu avaqqunneqarsinnaasarani.

Oqartoqartarneratuut naak atugassarititaasut tamatta ajornerulinnginnissaanik pingaartinneqartarluta taamaattorq siunnersuuteeqartup aalajangiiffigisassatut qulequttat pingasut pillugit akuersararluta



ATASSUT INATSISARTUNI

itigartillugilluunnit isummeriinngikkaluarluta ATASSUT-miit nalilersornissaamut oqaloqataaffiginissaanullu peqataarusuppugut.

Taamatullu ATASSUT-miit oqaaseqarluta inassutigissavarput uku suliat aappassaaneerneqannginneranni ataatsimiititaliami susassaqartumi peqqissaarullugu suliarineqassasut.